

# Communicaziun a las medias BCG

## «Fiutscher» 2016 – la BCG preschenta la scolaziun da banca a l'exposiziun grischuna da professiuns e scolaziuns

Cuira, ils 7 da november 2016 – Cun var 80 emprendists è la Banca Chantunala Grischuna (BCG) ina da las pli grondas patronas dal Chantun sin il sector commercial. A l'exposiziun «Fiutscher» da quest onn pon absolventas ed absolvents da la scola secundara e da la scola media sa far in maletg da las diversas pussaivladads che emprendists e praticants han tar la BCG.

Per giuvenils tranter 16 e 25 onns porscha la scolaziun da banca in interessant access a la vita professiunala. Per la Banca Chantunala Grischuna èsi damai impurtant da far enconuschenta da funtauna directa la [scolaziun tar la BCG](#) a persunas interessadas. En il rom da la [Fiutscher](#) che ha lieu dals 9 fin ils 13 da november en la Halla da la citad da Cuira han las visitadras ed ils visitaders la pussaivladad da far quai.

### Cravatta u schlappa? La decisiun è simpla

Dal pictur sur il pasterner fin al banchier – tut questas professiuns pon ins explorar a la Fiutscher da quest onn. Ils numerus expositurs preschentan als giuvenils a moda bain chapibla las vias professiunalas variadas en il Grischun. Preschenta è era la Banca Chantunala Grischuna – cun var 80 plazzas d'emprendissadi in dals lieus d'emprendissadi ils pli gronds dal Chantun.

### Ina scolaziun tar la BCG – in interessant access a la vita professiunala

Per absolventas ed absolvents da la scola secundara è in emprendissadi da banca l'access ideal al mund professiunal commercial. Per absolventas ed absolvents d'ina scola media sa porscha in praticum sco entrada en la professiun adattada. Durant lur scolaziun survegnan las banchieras ed ils banchiers futurs mintga sis mais in'invista en ina nova partiziun. Ina variaziun bainvegnida al mintgadi professiunal èn excursiuns, champs, segurns linguistics a l'exteriur u engaschis en il rom d'occurrenzas che la BCG sustegna, sco per exempel il Project en favur dal gaud.

### Fiutscher 2016 a Cuira – i vala la paina da far ina visita

L'exposiziun grischuna da professiuns e scolaziuns ha lieu quest onn per la quarta giada. Durant ils tschintg dis d'exposiziun spetg'ins var 12'000 persunas interessadas. Tranter quellas 3'500 scolaras e scolar che visitan la fiera professiunala ensemen cun lur persunas d'instrucziun. Totalmain preschentan ils 80 expositurs 150 professiuns e 250 offertas da perfecziunament.

### Contact per las medias:

Banca Chantunala Grischuna, Medias & Investor Relations, chascha postala, 7001 Cuira  
Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [YouTube](#) | [Flickr](#) | [Xing](#)

---

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa 1'018 collavuraturas e collavuratur (stadi dals 30-06-2016). En il chantun Grischun cun sias numerusas vals e pliras linguas, è l'interpresa represchentada cun 61 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestral preschenta ella cun ina summa da bilantscha da CHF 23,654 milliardas in gudogn dal concern da CHF 90,4 milliuns. Il scrit da participaziun BCG è quota a la bursa dapi ils 10 da settember 1985.

#### Termins

Quint annual 2016: 10 da favrer 2017  
Radunanza dals participants: 8 d'avrigl 2017

---